

ventionibus, in molis et molendinis, in aquis, in aquarum decursibus, in viis, in inviis, in quesitis et inquirendis eternam pacem assignamus et in nomine patris et filii et spiritus sancti auctoritate beati Petri apostolorum principis et potestate summe sedis pontificis et banno nostro ab aliquo mortalium imminui, auferri, incendi prohibemus. Precipimus etiam, ut liberam electionem prepositorum secundum sanctorum statuta canonum habeant et nulla prejudicia vel gravamina a successoribus nostris sustineant, sed omnia eorum illibata et intacta permaneant, eorum pro quorum sustentatione oblata sunt usibus omnimodis profutura. Si quis autem hujus nostre pagine tenorem sciens temere contraire temptaverit et aliquas injurias monasterio et fratribus et ipsorum possessionibus inferre presumpserit, si non resipuerit et patri loci et fratribus satisfecerit, eterno anathemate plectatur et diabolo et angelis ejus Gehenna ignibus cruciandus tradatur. Omnibus vero quae predicta sunt tuentibus et promoventibus et locum vel fratres vel bona eorum defendentibus sit in presenti salus et benedictio a Domino et in futuro vite eterne retributio. Amen.

Testes consecrationis prime basilice et institutionis regularis professionis et oblationis quam delegavit Dedo comes et Gerungus episcopus tam in agris quam in silvis et decimis et confirmationis pagine hujus sunt hii. Dominus Uto Nuenburgensis ecclesie venerabilis antistes, in cujus presentia hec facta sunt. Azzo Buzavgiensis cenobii abbas et fratres ejus Erkenbertus, Peregrinus, Rödigerus, Ekkehardus prepositus in Monte sereno et fratres ejus, Cuno, Winandus, Tidericus, Walterus et alii plures, Herbordus prepositus Wrcinensis, Hermannus decanus Misinensis, Anselmus custos, Sigimundus magister, Bruno canonicus. Laici. Dedo comes ipsius cenobii advocatus, Otto Misinensis marchio, Tidericus marchio Lusicensis, Henricus comes de Witin, Fridricus comes de Brene. Nobiles. Hermannus burcgravius Misnensis, Henricus de Donin, Fridericus de Gróna, Tipaldus de Salsiz, Hildebrandus et Gunterus fratres et alii multi. Ministeriales. Albericus et Henricus fratres, Rudolfus et Henricus fratres, Keceelinus, Balderamus, Wernherus, Becelinus et alii plures.

(Sig.)

Acta sunt hec anno domini M̄C̄L̄X̄VIII indictione I [pr] idus Novembris, anno ordinationis domini : Gerungi : venerabilis Misinensis episcopi [quinto d]ecimo feliciter : Amen : Amen. 247v.



Stiftungsurkunde des Grafen Dedo von Groitzsch und Rochlitz vom Jahre 1174 (Hauptstaatsarchiv zu Dresden N. 75).



C : In nomine sancte et individue trinitatis. Dedo divina favente clementia comes omnibus Christi fidelibus et presentibus et futuris in perpetuum ✠ : Apostolica doctrina informamur, ut dum tempus habemus, bonum ad omnes maxime autem ad domesticos fidei operemur, ut dum anni nostri sicut herba transeunt et dies sicut fumus deficiunt peccata nostra elemosinis et misericordiis pauperum redimamus et de mammona iniquitatis amicos nobis qui nos in eterna tabernacula recipiant, faciamus. Hujus rei gratia in pago nostro Rochelitz qui regali donatione et privilegii confirmatione paterna ad nos hereditate transivit, oratorium omnipotenti Deo in honore sancte Dei genitricis et semper virginis : Marie : consilio et auxilio domini Ekkehardi in sereno Monte beati : Petri : apostolorum principis venerabilis prepositi construximus et a reverendo sancte Misinensis